

## Rozprawa rewizijnego wuběrka Domowiny z.t. k hospodarskemu wotličenju 2015 a 2016 na 18. hłownej zhromadźiznje 25.03.2017 we Wojerecach

Lube sotry a lubi bratřa, lube sotše, lube bratši!  
Česćeni delegaća a hosćo hłownej zhromadźizny Domowiny!

*(ZAWOD)*

Rewizijny wuběrka poda wam džensa rozprawy k wotličenju Domowiny z.t. w hospodarskimaj lětomaj 2015 a 2016.

*Zarjad: Financna rozprawa zarjada předleži Wam w delegatnych mapach na stronach 140 do 147, kaž tež dodatny material jako blidowa přiłoha.*

16. hłowna zhromadźizna je do rewizijnego wuběrka woliła Floriana Brězana, mjeztym njeboheho Měrcina Marka, Pětša Petrika, Dierka Šewca a Marka Wjeselu.

Rozprawa k lětomaj 2013 a 2014 je přiwzała 17. hłowna zhromadźizna 2015 w Haslowje.

Na zakładze wustawkow Domowiny přepruwuje rewizijny wuběrka *prawidłownje, znajmjeńša lětnje jónu wužiwanje wobsydstwa a financow Domowiny kaž tež jich porjadne knihowanje.*

*(PRUWOWANJE)*

Wuběrka je wotpowěduju tomu pruwował:

- wotličenja a dodžerženje hospodarskeho plana,
- dochody a wudawki na zakładze hospodarskeju planow a wotličenju Domowiny a Domowinje přislušaceje institucije RCW,
- ručnu kasu,
- staw kontow na spočatku a na kóncu lěta,
- inwentarne přehłady, zamóženje Domowiny a
- dodžerženje financneho porjada.

Rewizijny wuběrka zetka so k tomu (w času po hłownej zhromadźiznje 2015) dohromady štyri króc. W meji 2016 poda so Zwjazkowemu předsydstwu mjezyrozprawa k pruwowanju lěta 2015. Nimo toho přewjedžeše so w oktobrje 2016 njeprizjewjena

kontrola ručneje kasy zarjada. Zakónčace pruwowanje přewjedžeše so 20. měrca 2017, tak zo podawamy rozprawu tu na džensnišej hłownej zhromadźiznje.

K přepruwowanju požadane podložki su so w porjadnej kwaliće a spěšnje přidžěłali. Přistup k dokumentam za pruwowanja bě stajnje daty. Wuprošene wujasnjenja k wužiwanju srědkow a k wotličenjam běchu dosahace a přeswědčiwe.

Hospodarski wotrijad Domowiny je wuběrkej běžnje informacije wo přewjedženju pruwowanjow přez třecích sposrědkował a wuslědki eksternych pruwowanjow předpoložil.

Běchu to na přikład:

- zestawa bilancy a hospodarskeje rozprawy (GuV) přez dawkoweho poradźowarja,
- pruwowanje financneho zarjada, mjez druhim powšitkownowužitnosć Domowiny
- a pruwowanje Založby za serbski lud k wužiwanju srědkow.

Wšitke pruwowanske instancy wopodstatnichu, zo su so srědki wěcownje prawje a wotpowědnje nadawkam a financnym planam wužiwali a zasadžili.

#### (WUSLĚDK)

Na zakładže pruwowanjow rewizijnego wuběrka a na zakładže wuslědkow eksternych pruwowanjow, předpołożenych podložkow a ertnych a dodatnych informacijow, so njedostatki we wobhospodarjenju srědkow zwěščili njejsu.

Městny plan Domowiny je so ze snadnym wotchilenjom dodžerzał. Zalutowane personalne wudawki dla dlěšodobnych schorjenjow abo staršiskeho časa su so k wurunanju druhich titulow wužiwali. Zasady hospodarjenja su so při tym dodžerželi.

#### (KOMENTARY)

Kaž smy z rozprawow zwjazkoweho předsydstwa, předsydy a zarjada slyšeli, běše jedne z ćežišćow hospodarjenja přiwabjenje dalších projektowych srědkow.

W běhu poslednich třoch lět je so projektowy budget

- wot někak 346 t€ w lěće 2014,
- na někak 515 t€ w lěće 2016 běžnje stopnjował.

Prozentalny poměr personalnych wudawkow k wěcnym a projektowym wudawkam je so porno tomu

- wot 81% k 19% w lěće 2014
- na 75% k 25% w lěće 2016 znižil.

Z pomocu třecich srědkow zmóžnja so na přikład skrutšenje skutkowanja Domowiny a partnerow na polu młodžinskeho dźěla a na polu nowe medije. Rozrost projektow wjaza personalne mocy. Z přiwabjenjom a wobhospodarjenjom srědkow wšelakich spěchowarjow a formow projektowych předewzaćow su so pak w běhu poslednich lět, kedžbyhódne kompetency nadžěłali. Tute měli so – wotpowědnje personalnym móžnosćam – tež džeń a bóle towarstwam a župam spřistupnić.

(KÓNC)

Rewizijny wuběrk zwěsći, zo su so k dispoziciji stejace srědki w lětomaj 2015 a 2016, w zmysle zaměrow a nadawkow Domowiny, kaž je to w artiklu dwaj wustawkow zapisane, wužiwali.

Namjetujemy tuž delegatam dzensnišeje hłowneje zhromadźiznje, předležacu financnu rozprawu Domowiny schwalić a Zwjazkowe předsydstwo ze zamołwitosće wuwjazać.

W mjenje wuběrka dźakuju so bywšemu a nowym jednaćelej a financnemu wotrjadej Domowiny a RCW za dobre wobhospodarjenje Domowinskeho budgeta.

Wutrobny džak wuprajam tohorunja svojim sobukolegam rewizijneho wuběrka. Luby Pětšo, luby Dierko a luby Floriano, dźakuju za spěšne reagowanje na mailki a za vaše kompetentne a wutrajne dźěło w tutej legislaturnej periodže.

Wutrobny džak za Wašu skedźbnosć.

Rewizijny wuběrk  
Marko Wjesela  
předsyda